

Dr. phil. doctissimo, amico
carissimo Mohr.

QUAERDAM
DE
INTESTINORUM
ULCERIBUS.

DISSERTATIO INAUGURALIS
PATHOLOGICA,

QUAM

CONSENSU ATQUE AUCTORITATE
AMPLISSIMI MEDICORUM ORDINIS

IN

UNIVERSITATR CAESAREA LITERARUM
DORPATENSI,

AD GRADUM

DOCTORIS MEDICINAE

LEGITIME ADIPISCENDUM

LOCO CONSUETO PUBLICE DEFENDET

A U C T O R

Augustus Otto Petsch,
LIVONUS.

DORPATI LIVONORUM.

TYPIS J. C. SCHUENMANNI,
MDCCCLXXXV.

IMPRIMATUR

haec dissertatio, ea tamen conditione, ut, simulac
typis excusa fuerit, quinque ejus exempla collegio libris
explorandis constituto tradantur.

Dorpati Liv. die II. m. April. a. MDCCXXXV.

DR. ALEX. HEECK,

Ord. Med. h. t. Decanus.



017 p 69

P r a e f a t i o.

Quum jam multa per saecula tot tan-
tique viri omnibus medicinae artis dis-
ciplinis sedulam dederint operam, et
haud parvus sit numerus praestantissi-
morum operum scientiam augentium,
quae jam in eorum manibus, qui his
studiis favent, versentur, nimia sane
audacia esset, si tiro novo quodam li-

bello se magni momenti aliquid contulisse ad totum librorum thesaurum putaret; nam non nisi experientia multorum annorum conjuncta cum doctrina eximia talia opera confici possunt, quae et omnibus satisfaciant et utilitatem afferant magnam. Quum igitur mihi persuasum esset, me propria experientia destitutum, cum vix cursum academicum absolvisset, dissertatione inaugurali aut nihil aut non multum, quo disciplina nostra augeretur, posse conferre, paululum dubitans de re tractanda, tandem argumentum sine dubio perdifficile elegi. Quod quidem ideo

fecī, quia ipse de hoc gravi et mihi
adhuc obscuro morbo, qui recentiori-
bus demum temporibus attentius per-
lustratus est, varias peritorum virorum
sententias cognoscere, ut inde lucem
aliquam haurirem, cupiebam.

Perfectis nonnullis de hac re ope-
ribus, consilium meum conscribendi
absolutam monographiam de ulceribus
intestinorum, quod avidius ceperam,
mox reliqui, quum eam, a tirone con-
scriptam, nullius pretii fore, disserta-
tionis fines longe excessuram et plus
temporis sumtuumque, quam in pae-
sentia impendere possem, postulare

videtur. Constitui igitur in disserta-
tione mea nonnullos satis graves, qui
in nosocomio nostro his praesertim an-
nis observati erant, ulcerum intestina-
rium casus pertractare, a quo tamen
consilio desistere debebam, cum histo-
rias morborum necessarias non statim
acquirere et rem amplius differre non
possem. Jam aliam materiam eligere
non potui, cum tantum temporis in hac
consumsissem, quare pro monographia
absoluta singula tantum fragmenta de
hac morbi specie edere conatus sum,
et uti, lector benevole, postea videbis,
symptomatologiam, exitus et aetiol-

giam ulcerum intestinalium maxime tractavi. Novas res mea experientia probatas vix in hac dissertatione, lector benevole, invenies; nam cum non saepe occasionem naetus essem hanc morbi speciem observandi, eo me continere debui, ut tibi collectionem, et, quantum possem, comparationem eorum, quae jam alii medici recentioris imprimis temporis de hac re conscriperunt, traderem. Quodsi etiam in hoc argumenti tractandi genere, lector benevole, multa imperfecta et manca invenies, spero tamen, fore ut haec mihi his in rebus parum exercitato

ignoscas, et pagellas has ea perlustres
indulgentia, qua primitias literarum
contemplari solent. — Vale.

I. Symptomatologia.

Omnia, quae ex ulceribus intestinalorum oriuntur, symptomata, ad rem melius perspiciemad, dividere possumus in primaria et secundaria i. e. in ea, quae morbi processu in canali intestinalium ipso nascuntur, et ea, quae demum affectione aliorum organorum et systematum procreantur.

A. Symptomata primaria, quae ex affectione intestinalium sola explicari, et, ut postea videbimus, variis in casibus vario gradu esse, quorumque interdum certe nonnulla omnino vel aliquamdiu deesse possunt, et quorum varietas imprimis e sede, dynamica indole ac compositione ulcerum intestinalium cum aliis morbis pendere videtur, haec fere sunt:

1) Doloris sensum, quod praecipuum symptomam per totum morbi decursum raro omnino desideratur, aegrotus certo, plerumque satis circumscripto loco magis minusve vehementer in abdomine se percipere dicit. Regio, ubi dolor obtinet, non omnibus in casibus una eademque est, sed semper e sede morbi localis in intestinis pendet. Quae si in duodeno est, dolor

semper in regione epigastrica quaerendus est, inde dextrorum et a scrobiculo cordis deorsum ad umbilicum tendit (35. p. 159). Si vero ulcera in jejunio vel in superiore et media parte ilei locum habent, dolor in regione umbilicali sentitur; in ulceratione infimae ilei partis regio iliaca dextra, et, si colon ascendens hoc malo laborat, hypochondrium dextrum dolore afficitur. Si sedes morbi in colo transverso est, regio, quae ab alto hypocondrio usque ad alterum sub ventriculo jacet, sin vero ulcera in colo descendente enascuntur, sinistrum hypochondrium dolet. Lesser (31. p. 268) in affectionibus coli descendenter nonnunquam gravissimos regionis sacralis et dorsi dolores animadvertebat, similes iis, qui in psoitide occurruunt. Ulcera tandem intestini recti in regione sacrali excitant dolores, qui simul, praesertim si morbus inferiorem ejus partem afficit, pressu in perineum et anum adhibito valde augentur. Sed hic diagnosis non admodum difficilis esse solet, quum adesse ulcera vel oculis cernere vel dactylo explorante sentire possimus. Dolor vel uno tantum eorum, quos enumeravimus, locorum vel pluribus simul percipitur, prout vel major vel minor intestinorum pars exulcerationis particeps est. Quod ad gradum et rationem, quibus dolor sese ostendit, attinet, magnam hic iuvenimus diversitatem. Potest enim vel continuens vel intermittens, urens, edax, vividus vel hebes esse; immo Albers etiam in casibus rarioribus dolorem pulsantem certum diminutae inflammationis indicem esse putat. Omnes hæc varietates e varia nede et dynamicæ ulcerum.

charactere, ut videtur, optime explicari posantur. Dolor continens tantum vividus est, si maiore inflammationis gradu excitatur, quapropter magis in initio morbi cernitur, quia per primam ulcerum evolutionem, uti in ceteris corporis paribus ita in intestinalium traciu quoque semper aliqua inflammatio vel in ulceris superficie vel in adjacentibus obtinet partibus. Raro tantum hic dolor ad tantam crescit vehementiam, ut vel spiritu hauriendo augeatur, quod certius semper fit premenda abdominis parte affecta. Cibis etiam incitantibus suntis augetur, si ulcera intestinum occupant tenuius, nam proprium est hujus intestinalium partis ulcerationibus, quod nutrimento recepto dolores satis graviter intenduntur; aut, si illi antea adesse non videbantur, oritur tamen plerumque sensus molestiae in alvo, qui evacuatione mox sequente mitigatur. Sin inflammatoria ulcerum indoles paulatim decrescit, quod pluribus in casibus mox fieri solet, nisi forte irritantibus rebus semper concitatur, et in longius tempus sustinetur, et si in locum prioris indolis status quidam auctae sensititatis in parte affecta succedit, doloris sensus in abdomen tanto minuitur, ut aegrotans nunquam sua sponte queratur; immo dolores haud raro ita exigui fiunt, ut graviore tantum attactu aegre detegi possint. Dolor ita diminutus praeципue in ulceribus intestinali tenuioris animadverni solet, quippe quod omnino minorem omnibus in laesioribus ostendat sensititatem, ita ut dolores egregiae acerbitas tum tantum in hac intestinalium parte orientur, si extera ejus tunica simul inflammatum est. Sed Neumann et

Broussais temere agunt; si tenuibus intestinis omnino sensibilitatem inesse negant; alter enim dolorem in affectionibus inflammatorii hujus intestini omnino non statuit; alter dicit, dolorem, si adsit, sedem habere in musculis et origine sympathica esse (38. p. 247; 25. p. 103).

Plane aliter res sese habet in intestini crassi ulceribus, quod ad dolorem attinet. Etiam hic initio morbi, si gravior inflammatio obtinet continens et vividus est dolor, sed decrescente inflammatione diminuitur aegrotoque minus molestiae afferit, uti similibus in casibus ulcerum intestini tenuioris, et sede tantum differt. Attamen haud diu tolerabili hac condizione aegrotus gaudet, nam mox oriuntur exacerbations periodicae, ubi vehementissimi dolores subito proveniunt, qui, quando maxime sunt exculti, veram aequant colicam (35. p. 165). Tales doloris accessiones ter quaterve, postea etiam saepius, quoque die apparent, fontemque suum in strato musculari intestini affecti habere videntur, quippe quod tunica mucosa et, quae huic subjacet, cellulari deletis magis minusve nudatum per quamvis vim irritantem facile affici possit. Hunc fontem esse dolorum, vel exacerbationum natura, quae spastica manifestatur, demonstrat, tum quoque id, quod illi semper ante alvi dejectiones existunt ac per eas perdurant, quia hoc tempore intestinum crassum ejusque praesertim tunica muscularis maxime alacrem ostendit actionem. Praeterea hunc esse dolorum fontem, id quoque documento esse videtur, quod illi non ab morbi initio jam animadveriuntur, sed postea oriuntur et ad medium

tandem morbum maximum asequuntur vehementiamq; denique quod postea decrescent ac diutius perdurante morbo leviores sunt et continuum prae se ferunt typum, ut etiam post primam ulcerum formationem observabantur. Ad medium morbum membrana videlicet muscularis a tunica cellulosa, qua tegitur, valde nudata est, vitali attamen sensibilitate nondum amissa, quae semper fere majore in gradu adesse videtur. Progrediente etiam deformationis processu, tunica muscularis paulatim magis minusve destructa potestatem suam amittit in incitamenta, quae ipsam afficiunt, tam vehementer quam antea reagendi.

Sunt etiam casus quidam, ubi dolores, quamquam intestina laborant ulceribus, maxime recedunt, immo omnino deesse interdum videntur. In aestimando enim symptomate hoc sane discernendum est, utrum intestinorum ulcera sola sint residua inflammationis cuiusdam simplicis, an complicata appareant cum aliis morbis. Priore tantum in caseu dolor formam, quam supra adumbravimus, prae se fert excultam, nec facile a medico, accurata abdominis quaestione habita, praetermittitur, — etiamsi in valde chronico decursu ulcera hic quoque tam torpidum assumere possint characterem, ut dolores perobscuri tantum proveniant, immo etiam omnino desiderentur. Ejusmodi tamen, ut mihi videtur, character haud diutius perdurabit, sed mox in conditionem auctiae sensibilitatis recedet, quam ulcerum superficies nocentibus potentiss partim per intestinalium contenta partim per motum peristalticum continuo exposita sit. Praeterea eii-

am membrana mucosa initio sana, ichoroso et aceri saepissime ulcerum secreto incitata, sedes acerbi doloremque commoventis sensus fiat necessesse est. Longe aliter res sese habet in intestinorum ulceribus, quae aliis cum morbis conjuncta proveniunt, quaetque multo crebrius occurunt. Hic imago morbi magnopere saepe obscuratur, ita ut medicus, si dolorum praesentiam nimis aestimet, facillime quoad diagnosis in errores incidere possit. Tales morbi cum ulceribus complicati sunt et acuti et chronicci. Maxime obscuri occultique dolores in iis intestinorum ulceribus apparent, quae cum morbis complicata sunt, ubi aegroti sensorium valde affectum et sensibilitas universa imminuta est, id, quod prae aliis observatur in febribus nervosis. Hoc in casu nunquam fere de doloribus in abdomen queritur aegrotus, ad summum profunda in regionem ileo coecalem impressione facta auctam prae se fert sensibilitatem, aut distorquendo ore aut attrahendis versus abdomen pedibus eandem significat. Attamen haec quoque doloris indicia occulta multo minus constantia sunt, quam quae in simplicibus intestinorum ulceribus deprehenduntur, nam in prima interdum inquisitione animadversa in secunda prorsus desiderantur, in tertia fortasse recurrunt, immo etiam ea semel tantummodo nec serius umquam observare potuit medicus. Difficillimus detectu dolor autem fit, si aegrotus in statu soporoso jacet, vel vehementioribus laborat deliriis; (32. p. 216) quia hic propter affectionem cerebri subjectivam morbi indolem peram perspicere eamque aegrotantis dictis ni-

mis confidētes facillime falso dijudicare possumus. Ita ab Andral et Gedike exempla notata invenimus complura, in quibus accuratissima quaestione habita nulli dolores in abdomine animadverti poterant, quamquam cadaverum sectiones gravissimas hoc loco degenerationes indicabant (37. p. 432; 6. p. 153 sq.). In intestinorum ulceribus, quae cum aliis morbis complicata sunt acutis, dolores jam facilius ab aegroto percipiuntur, quippe cujus sensorium totumque nervorum systema minus, quam in febribus nervosis affecta esse soleant. Nihilominus ulcera quoque, quae chronicos morbos comitantur dolorem haud raro multo minus excultum producent, quam quae in simplicibus omnino casibus excitantur, propterea quod una cum intestinorum canali aliae quoque partes laborant, quarē attentio aegroti dividatur, et, prout gradus malit et organorum affectorum momentum serat, plus minusve ab intestinis avertatur necesse est. Exempla hujus generis in tuberculosa pulmonum phthisi haud raro occurtere compertum habemus, si ad hanc, ut saepe fit, proventiore studio, intestinalium ulcera accedunt.

2) Aliqua ratione a norma decedens conditio alvi depositiorum, quarum praesertim frequentia, consistentia, odor ac mixtio observanda sunt, etiam huc spectat. Attamen, antequam hanc rem accuratiōri subjicimus inquisitioni, necesse est moneamus, eas, quas alvi dejectiones manifestent, abnormitates nequaquam tantummodo ex ulcerum superficie deducendas esse; nam haud exiguum in eas vim loca semper fere morbo simul affecta, quae circumjacent;

ospendunt. Qnod primum ad frequentiam alvi dejectionum atinet, haec plerumque normam usurpat; nam raro tantum alvus tarda et rarius etiam ejus adstrictio diutius perdurans observari solet. Si diarrhoea modici est gradus, depositiones alvi noctu tantum in conspectum veniunt, illa autem magis evoluta, interdiu quoque apparent, noctu tamen eas semper crebiores fieri experientia docet (39. p. 173). Causa hujus incrementi noctem versus in eo nescio an sit quaerenda, quod cetera organa, quae interdiu maximam demonstrabant actionem, nunc majore fruuntur quiete, quo facio, non tam facile derivare valent impetum sanguinis ab organis abdominalibus. Quo momento excepto, frequentia alvi praesertim e conditione ulcerum pendet. Quae quidem si una cum locis, quae circumjacent, maxime sunt inflammata, alvus plerumque tarda, immo aliquandiu interdum penitus oppressa inveniri potest, inflammatione autem decrescente, frequentia alvi propere augetur, tantumque gradum consequi potest, ut segrotus in 24 horis quater et vicies immo etiam crebris alvum dejicere cogatur. Magis etiam decrescente inflammatione, et, ubi morbus diutius perdurat, torpida aliqua ex parte ulcerum indole orta, diarrhoea denuo imminuit, ha uternae vel quaternae alvi excretiones tantum quotidie observentur, ac normalem numerum interdum omnino non superare videantur. Nam tunica mucosa eodem modo sese habet, quo alia quoque organa secretoria; quando inflamatio ad summum pervenit gradum, secretio imminuta aut omnino oppressa est; in modica

autem inflammatione, sive in stadio decrementi
sive jam inde ab origine minoris gradus est,
secretio pituitae ac praesertim exhalatio aquosa
admodum aucta apparet. Inde etiam intelligi
potest, quare cum morbis acutis iisque febrili-
bus ulcera complicata multo fusiorem produ-
cant alvum, quam ea, quae morbos chronicos
comitantur. In his enim incipiente tantum exul-
ceratione dejectiones alvi satis frequentes cer-
nuntur; postea autem, praeserim, si ulcerum
nummerus valde exiguis est, haud multum, quod
ad frequentiam spectat, a norma recedunt. In
priore autem casu, quemadmodum in toto cor-
pore ita in intestinis quoqne status irritationis
actione febrili productus est; in chronicis contra
morbis omnes functiones magis inertiae speciem
prae se ferunt, atque, etiamsi interdum singula
organa morbose auctam activitatem demonstrent,
haec magis ad minuendam diarrhoeam conse-
rant necesse est, quippe quae aliquam succorum
partem ab intestinis detrahant. Experientia ta-
men constat, multis extare hujus regulae ex-
ceptiones.

Praeterea ulcerum sedes in canalis intesti-
norum, aut superiore aut inferiore parte, multum
valet ad alvi depositionum frequentiam. Sic
duodeno ulcerationibus laborante, nulla fere in
conspicuum venit diarrhoea, ant, si adest, cum
alvi obstructione saltem alteruat (35. p. 158),
quum symptomata hic valde similia sint iis,
quae pari ventriculi morbo procreantur. Sin
vero paulo inferiorem intestini tenuis partem
occupant ulcera, evacuationes frequentiores esse

solent, quam quae in statu sano observantur; attamen hic interdum obstructionem nonnullos dies perdurantem, animadvertere licet. Ulcera denique, quae in intestino crassiore sedem habent, magnam semper sere prosignunt diarrhoeam, ac perraro hic occasio nobis praebetur obstitutionis alvi observandae, amplius duos dies morantis. Ex hac autem regula intestini recti exulcerationes excludendae sunt, quibus praesentibus, saepius, quam si reliquum intestinum crassum ulceribus affectum est, alvus pertinaciter adstricta cernitur, quia aegrotus vehementer in evacuanda alvo dolores vincere non potest. Tum interdum hic simul cum ulceribus parietum intestini incrassatio oritur, qua hujus partis lumen adeo coarctatur, ut mechanica jam e causa contenta retineantur.

Spissitas quoque, color et odor alvi excretionum non exiguum repraesentant diversitatem e diversa ut plurimum ulcerum indole pendenter. Si ulcera ipsa et partes iis adjacentes majore inflammationis gradu affecta sunt, alvus aquosas aut squamosas excernit massas, quae e vitello et albumine ovi mixtis haud dissimiles sunt. Evacuationes hujus generis e flavo cani aut subfuscari coloris sese ostendunt, quae vix umquam valde penetrantis odoris sunt, et incipiente magis morbo observantur, ac praesertim exulcerationibus acutos morbos comitantibus propriae sunt. Morbo longius tempus perdurante, alvi evacuationes, quae antea aquae similes erant, consistentiam induunt pulchritudinem et colore obscure fusco vel ad viridem vergente insignes, foedissimum spargunt odorem. Si excrementa-

rum etiam mixtionem accuratori subjicimus inquisitioni, magnam eorum varietatem, ex ulcerum praesertim sede aut superiore aut inferiore pendentem invenimus. Illis intestinum tenuius occupantibus, secreta aut iis producta aut e partibus circumiacentibus orta, tantopere, ut vix discerni possint, reliquis cum intestinorum contentis commixta sunt. Praeterea notandum est, hic plerumque nondum satis digesta concocta que ex alvo evacuari nutrimenta (5. p. 147; 35. p. 143), id quod imprimis observatur, si vegetabili e regno petita sunt. Si superiores intestini crassi partes ulceribus affectae sunt, eandem sere satis perfectam alvi depositionum mixtionem animadvertisimus, sed, intestino tenui haud simul laeso, ciborum magis concoctorum speciem repreäsentant (35. p. 168). Sin vero in colo descendente aut intestino recto ulcera locum habent, secreta morbosa, quae exulcerationi originem suam debent, aut sola excernuntur, aut, si una cum faecibus ejiciuntur, excrementorum sanam haud raro indeolem ostendentium, superficie leviter tantum adhaerent (35. p. 192 sq.; 36. p. 555). Quae admixtiones excrementsa præcipue mutare valent, sunt partim pus, aut, quod multo saepius observatur, materia quaedam ichorosa, partim sanguis, majore aut minore quantitate per alvi dejectiones evacuatus.

Pus merum ac purum in alvo rarissime demonstrari potest, quod Albers etiam in intestini recti ulceribus se vix unquam invenisse afferit (35. p. 193); multo saepius autem materiam saniosam excrementsis admixtam observare licet. Neque haec, si morbus in superiore quadam

intestinorum parte sedem habet, facile in decu-
los cedit, quippe quae, quod jam supra moni-
tum est, cum alvo intime commixta sit, ita ut
eam adesse, plerumque ex eo tantum conjici
possit, quod excrements floccis spumosis obiecta
appareant. Sunt autem medici, qui se ejusmodi
admixtiones multo saepius ac satis perspicue ob-
servasse tradunt. Sic Vogel v. c. (3. p. 29) se
haud raro mite merumque, semper sere autem
tenue et saniosum aut sanguine tinctum pus in
alvo invenisse affirmat, si intestina ulceribus
affecta erant. Schöulein (39. Th. III. p. 173)
quoque contendit, alvi dejectiones, tractu intesti-
norum ulceribus laborante, vaso quodam recep-
tas reservatasque, nonnullis horis interpositis,
deponere sedimentum floccosum ac subinde
striis sanguinolentis insigne, quod, si materia
faecalis effundatur, peculiarem et e pure pen-
dente manifestet odorem.

Quod jam ad admixtionem sanguinis atti-
net, haec etiam haud raro observatur facilius-
que in alvo demonstrari potest. Sanguis, qui
ab intestino crasso originem trahit, a mero pu-
roque minime recedit, in tenui autem intestino
contentis adjectus normali sanguine plerumque
multo obscurior apparet, quippe qui bile aliis-
que fluidis maxime alienatus sit. Neumann eti-
am contendit sanguinem hoc in casu terrae ni-
gricanti, aut sedimento, quod e coffea cocta sub-
sidat, similem esse (58. p. 247). Quamquam,
qui excrements admixtus est, sanguis plerumque
in guttulis aut striis, rarissime majore in copia
apparet, nihilo minus nonnulla jam observata
sum exempla, ubi sanguis tam copiosus una-

eum faecibus effusus est, ut mox sequeretur mors (10. p. 586; 18. p. 173; 30. p. 359; 35. p. 50).

Quod attinet ad fontem, ex quo sanguis ortum dicit, hic duplex esse potest; nam aut ulcera ipsa aut partes vicinae eum fundunt. Qui uberiore copia evacuantur, ex ulceribus ipsis tantummodo proficiuntur, et, ut mihi videtur, hac ratione effunditur, quod illa profundius penetrando vasa sanguisera paulo majora perrodunt, quod propriea proiectiore demum morbi stadio fieri posse manifestum est. Guttulae autem et striae sanguineae, quae saepius etiam incipiente morbo in alvo observantur, aut ex eodem fonte nascuntur, aut e membrana mucosa circa ulcera jacente per exsudationem ortum sumunt. Hanc sanguinis praesentiam autem, quamquam saepe animadvertisit in excrementis, ad cognoscenda ulcera haud magni momenti esse, credo, quippe quac etiam, quamvis simplici tantum inflammatione intestina laborent, nec ulcera jam formata sint, haud raro observetur. Hoc saltem mihi persuasum est, ex sanguine in alvo deficiente medicum nunquam certe concludere posse, ulcera nondum adesse, cuius rei nostro etiam in nosocomio observandae occasio saepius mihi fuit.

3) Abdomen etiam, quod ad ejus extensio-
nem attinet, haud raro hoc in morbo permuta-
tum esse, experientia constat; saepissime enim
justo plenius, interdum etiam collapsum apparet.
Illiud et initio morbi et serius observatur, hoc-
vero proiectiore tantum tempore occurrit. Ex-
tentio abdominalis normam excedens aut insolita
est in intestinis evolutione, aut fluidi cujus-

dam aquosi accumulatione in cavo peritonaei producitur. — Aēr partim simul cum assumtis cibis in intestina intrat, partim, quod saepius fieri solet, ex nutrimentis hanc bene digestis secretisque morbos evolvitur. Fluidum autem aquosum, si jam inde ab initio morbi deprehenditur, peritonaei ut plurimum inflammatione est productum; sin vero serius nascitur, debilitatis sequela est aestimandum, et hoc casu igitur in subsequente demum symptomatum serie accuratius tractari debet. Extensio abdominis per aērem accumulatum ab ascite eo differt, quod regio colo imprimis transverso respondens, percussa sonum prodit, qualis fere e dolio cavo elicetur; praeterea quod, liquore quodam in cavitate abdominis praesente, medicus semper fere accuratius explorando fluctuationis signa deprehendere valet. Loco insolitae hujus expansonis interdum etiam, ut supra jam dictum est, abdomen maxime collapsum conspicitur, idque hoc in gradu jam observatum est, ut ejus tegumenta spinam dorsalem tangere fere viderentur. Sed hoc symptoma quoque, quum diutius permanente morbo tantum occurrat, ei modo totius corporis emaciationis sequela esse videatur, magis, si rem vere aestimemus, ad sequentem symptomatologiae ordinem numerandum est.

B. Symptomatum, quae aliorum tantum organorum affectionibus nascuntur, haec primo respiciamus, quae in superiore tubi cibarii parte proficiuntur. Ciborum appetentia suppressa aut extrema diminuta, gustus depravatus, lingua muco seca, nauses, quae etiam ad vomitum usque hanc rato argentur, sunt phaenomena, quae hunc

morbum saepe comitantur. Hae priarum viarum perturbationes potissimum in conspectum veniunt, si intestina tenuiora laesa sunt, et eo magis has timeamus oportet, quo propiorem ventriculo sedem ulcera habent; quoniam hoc in casu malum intestina occupans multo facilius usque ad ventriculum propagari potest. Sed quamquam symptomata haec, intestino crasso tantum affecto, diutius interdum omnino desiderantur; provectione tamen studio, ubi morbus magis magisque in totum organismum agere incipit, ventriculus quoque secretionis ac resorptionis perturbationum, quales in intestinorum canali adsunt, certe particeps erit, quo fit, ut ciborum appetentia rarissime usque ad morbum omniuo finitum bene servetur.

Lingua rarissime pura, sed muco plerumque aut humido aut siccо tecta apparet, qui variis sub conditionibus varium prae se fert colorem. Andral autem linguae rationem minime respiens, hac re diagnosin neutiquam nisi posse dicit; multis enim expertus est observationibus, linguae indolem non semper intestinorum malo respondere. Immo, degeneratione quam maxima intestinis affectis, puram nec per totum morbi decursum ulla ratione a norma recedentem conspiciebat linguam; in aliis autem casibus sicciam et qnovis modo alienatam invenit, quamquam nullum intestinorum vitium in cadavere secto demonstrari potuit (37. p. 412). Has igitur, quae in cavitate oris in genere ac praesertim in summa lingua iuveniantur, secretionis perturbationes partim e nervorum systematis constitutione, partim e sanguificatione morbosie pen-

dere putat. Utrum vera an falsa sit haec opinio, quam Audral protulit, dicere non audeo, cum meae ipsius observationes ad eam dijudicandam haud sufficient; nequaquam autem, si intestinorum affectiones cum linguae ratione saepe non congruisse experientia compertum est, haec sententia inepta esse mihi videtur.

Vomitum imprimis ex symptomatibus, quae a primarum viarum perturbationibus originem trahunt, deesse posse observationibus constat; nam in iis tantum exemplis conspici solet, ubi ulcera in intestini parte superiore locum habent. Praeterea in ulceribus morbos acutos comitantibus saepe animadvertisit, ac praecipue initio morbi; si vero seriore stadio in conspectum venit, intestini perforati nuntius haud raro sati certus haberi potest (37. p. 426). Sed in morbo ita complicato, magis, ut mihi videtur, a malo universalis quam locali repetendus est, quum, etsi ulcera non adsint, haud raro hic observeatur. Vomitus autem, intestino crasso exulcerato, ad rariora numerandus est symptomata, quem, si hic occurrat, minus fortasse e ventriculi cum intestino consensu, quam ex hepatis affectione, praesertim si colon transversum affectum est, explicare possumus, quod verum esse jam materiae vomitu excretae natura haud raro probare videtur. Ulcera, quae in intestino recto sedem habent, vix unquam vomitum producunt, hoc autem casu excepto, si contentorum progressus tantopere, ut ileus oriatur, impeditur.

Materiae vomitu ejectae indeoles variis causibus varia appetit; nunc e nutrimentis modo secundum constat, nunc mucosa, aut biliosa est;

nec umquam fere sanguinolenta, nisi duodecum ulceribus laborat, deprehenditur.

Imbecillitas maciesque mox digestionem perturbatam sequantur necesse est. Harum evolutionis gradus praecipue ex ulcerum extensione, nec minus e sede eorum aut superiore aut inferiore pendet, ita ut, intestino tenui tantum ulcerato, haec symptomata multo ocius, quam si intestinum crassum hoc malo labore, nascantur, et, infima canalis intestinalis parte affecta, per longius tempus desiderari possint. Etiam, quod attinet ad haec symptomata, varietatem haud exiguum praebent ulcera, prout cum morbis aut acutis aut chronicis complicata sunt. Priore in casu debilitatis sensu inde ab initio aegrotus jam vexatur, quae brevi maximum adipiscitur gradum, quia dupli modo mox exhaustiuntur corporis vires. Macies autem hic plerumque majorem non consequitur evolutionem, quum propter celerem morbi decursum non tam magna humorum copia per alvi depositiones fusiores ac frequentes corpori detrahi possit. Altero autem in casu haec symptomata, quamquam multo serius intrant, eundem gradum nancisci observamus, quum morbus tardius ad finem perveriat. Mirabilis haec mihi esse videtur opinio, quam Albers protulit: imbecillitatem, si intestinum crassum ulceribus labore, ocius aegrotum invadere celeriusque increscere, quam si intestinum tenui hoc malo affectum sit (35. p. 143.) quoniam hoc in casu nutritio magis prohibeatur necesse est. — Saltem hoc non de omnibus ulcerum speciebus satui potest, cum saepissime etiam homines inveniantur, quorum, quamvis

jam multos per annos ulceribus in recto intestino laboraverint, vires tamen haud conspicue destructae sunt.

Si diutius continuatur morbus, celera etiam et secretionis et excretionis organa perturbationibus in canali intestinali exortis continguntur.

Ita respirationis organa raro diutius integra manent; nam experientia satis confirmatum est, in affectionibus morbosis magnum canalis intestinalis cum pulmonibus consensum locum habere. Si igitur ulcerationes in intestinis adsunt, exscretes e bronchis tracheaque augmentur, quare initio haud raro intestinorum affectio panulum recedit, multo gravioribus pectoris doloribus obscurata; mox autem etiam illa affectio majore cum vehementia appetet, et jam ambo bus illis malis simul vim suam exercentibus, aegroti vires brevi exhauriuntur.

Quae secundaria pectoris affectio, si per aliquod tempus provehitur, ipsa organica pulmonum vitia gignere, et aucta exscreatio mucosa in ipsam haemoptysin transire potest, si vel pulmonum degeneratio procedit, vel inflammatio accedit, unde ejusmodi phaenomenon oriatur necesse est. (11. p. 168).

Atque aliae etiam tunicae mucosae similes perturbationes apparent: apud feminas haud raro excretio muci e vagina aucta animadvertisit; gravedinem etiam et auctum ex auribus effluvium Albers haud raro in late diffusis intestinorum suppurationibus videbat (35. p. 56). Quae ex omnibus his partibus secernuntur, non solum, quod ad quantitatem attinet, abnormia sunt; saepissime enim aquosa foedique edoria

sese ostendunt, et adeo, praesertim ea, quae e partibus mulierum genitalibus profluunt, causticam prae se ferunt naturam, ut hae partes non nunquam secretis erosae inveniantur. Perspiratio cutanea plerumque valde diminuta est; nam cutis ante hecticæ febris evolutionem perpetuo sicca deprehenditur, et tangentis ingratnm calorem praebet, simul livido colore insignis est et laxa, quum turgor vitalis valde collapsus sit.

Urinae etiam natura minime eadem est, quae in statu sano; multo minor ejus quantitas, et ea quidem turbidissima excernitur, multumque in ea sedimenti apparet, quod molesto odore mutatoque colore saepe organicae organorum uropoëticorum degenerationis suspicionem movet, qualis tamen degeneratio in sectis cadaveribus inveniri haud potuit.

Hydropica etiam phaenomena semper sere ad ulcerationes intestinalorum accedunt; vel enim soli pedes, praesertim circa malleolos, tumescunt, vel latius diffusa aquae accumulatio oritur, quae singulis in casibus adeo crescit, ut in omnibus majoris corporis cavitatibus appareat. Pedum oedema saepe jam in ipso morbi iunctio adest, ac praesertim in nictibus, quae cum morbis acutis complicata sunt, reperiuntur; magis vero progressus hydrops modo latissime pervagatorum ulcerum symptomata, seriore stadio ortum, est. In universum aestimare possumus, haec hydropica phaenomena celerius intrare et majorem ad gradum pervenire, si ulcera in superiore intestinalum parte reperiantur, quam si in inferiore locum habeant; celerior agitur evolutio erit in tenui, quam in crassi intestini ulceribus, quia illo in

casu totius corporis nutritio oculis ac magis impeditur.

Unde excipienda sunt ulcerata, quae dicuntur carcinomatosa, in quibus, adeo si tantum in intestino recto sedem habent, haud raro latius pervagatum hydropem invenimus. Quo tamen in casu hydrops non ex affectione intestinali, sed potius e cachexia universalis, ad quam illa serius accessit, oritur. Causa, qua sit, ut phaenomena ad hydropem spectantia tam crebro hoc in morbo reperiantur, praeserim debilitas totius corporis, quae frequentem virium consumtionem impeditamque nutritionem sequitur, esse nobis videtur. Nec minus etiam ad id conferunt sanguinis circulatio per tunicarum intestinalium glandularumque tumescientiam in abdome valde turbata et inde ortum resorptionis impedimentum.

Sensorii quoque functiones in ulcerum decursu raro perurbationum omnino experies manent, quum magnus inter cerebrum canalemque intestinalorum consensus in omnibus horum organorum affectionibus appareat. Quod praecipue ad intestini tenuis ulcerata attinet, ubi capitis dolor, vertigo et deliria minime rara sunt phaenomena; dum contra ii, qui crassi intestini suppurationibus laborant, usque ad ultimum momentum mentis suae plane compotes esse solent.

Praeter illa jam commemorata symptomata secundaria in ulceribus intestinalibus saepe etiam, ac seriore decursu tempore semper fere febris adest, et ea quidem aut sola eorum complicatio est, aut ex ipsis sequitur. Si tantum complicatio est febris, variam habere naturam

et vel ante ulcerationem evolutionem adesse, telcerie simul cum iis nasci potest. — Quum ex ulceribus pendens symptoma sit febris, plerumque provectione demum stadio appetat, et species ejus formaque ulcerum natura destinatae. Si cum ulceribus inflammatio gravioris momenti juncta est, (quod praesertim fieri solet, postquam iucitamenta vim suam in corpus ac praecipue in intestina exercuerunt) febris magis synochae indolem, cui semper tamen magis minusve phaenomena gastrica admiscentur, prae se fert. Multo saepius autem verae inflammationis loco nihil, nisi adauciae sensibilitatis statum cernimus, et tum febris magis erethicam exserit naturam; pulsus enim acceleratus, parvus, saepe filiformis et debilis est. Vespertino tempore exacerbationes intrare solent, quae ab exiguo frigore incipiunt, quod aestus internus sequitur; cutis temperatura auctia est, praecipue in vola manuum plantaque pedum, nec raro verus calor mordax adest. Postea ad haec phaenomena etiam sudores profusi accedunt, virium defectio et macies valde crescunt, et aegrotus mox summa exiuaniione moritur. Neumann autem (38. p. 843) extremitates semper frigidas esse dicit, negatique, cutem in universum, nisi in abdomine, unquam calidam esse, vel aegrotum unquam sudare. Quae signa appellat propria, quibus morbus, de quo agitur, a phthisi e pulmonibus orta discernatur. Attamen hac in re neque Albers nec Schölein nec plerique alii medici cum eo conveniunt.

II. Exitus.

Duo tantum hujus morbi sunt exitus, qui

*teri possunt, alter sanitatis restitutio, alter serius
ociusve adveniens mors.*

Prior ille exitus hoc in morbo in universum rarissime occurrit, et tum modo locum habere potest, si cicatricem ducunt ulcera. Utrum frequenter illud fiat, necne, valde differunt inter se opiniones. Sunt enim medici, qui ulcera intestinalia nunquam cicatrice obduci posse censent; alii contra, id fieri, non prorsus negant, casus autem, quibus hoc accidat, valde coercent. Sic Albers: ea tantum ulcera, quae simplicis tunicae mucosae inflammationis residua sint, et in corpore praeterea sano ac cujusque morbi universalis experie orientur, cicatrice obduci posse contendit; ulcera autem e glandulis intestinalibus evoluta unquam ad cicatrisationem venire omnino negat, quippe quae semper malum quoddam universale significare ei videantur (35. p. 39). Cui tamen opinioni haud plane assentiam, quum inflammatio simplex, quemadmodum membranam mucosam, ita glandulas quoque intestinorem afficere possit, ut saepe in ileiide videmus; et quidni haec inflammatoria glandularum affectio, etiamsi nullus utique totius corporis morbus adsit, rebus adversis in suppurationem transeat? Praeterea in nosocomio nostro ulcera quoque, quae e glandulis intestinalibus, uti praesertim in dothienterite, orta erant, etsi nondum perfecta cicatrice obducta, attamen ad sanitatem vergentia videndi occasio mihi saepius fuit. Complura denique ejusmodi exempla in Pommer (36. p. 365), Andral (37. p. 184 sq.), Lesser (51. p. 159) et multorum aliorum scriptis enarrata invenimus.

Nec vero sane negari potest, ulcera modo et simplice inflammatione orta multo facilius sanari posse, quam cum morbo universali quodam complicata, quae etiam fortasse omnino non possunt cicatricem ducere, si morbus, quo cum conjuncta sunt, longissimum jam tempus perduravit, ac ex hoc dyscrasia quaedam orta est. Jam enim in ulceribus, quae in partibus externis apparent, saepe videmus, quanta, haud raro insuperabilia, impedimenta medico in iis ulceribus curandis obstant, quae aliquam dyscrasiam comitantur. Quanto difficultior igitur ulcerum in internis organis curatio erit, ubi medicus ad eorum sanationem parum conferre potest, ac plurima vi medicatrix naturae committenda sunt, praesertim tali in parte, qualis est intestinorum tubus, quo loco ulcera perpetuo noxiis patent potentis. Praeterea etiam eo, quod illi morbi saepissime jam per se letales sunt, et quod adeo perniciosa complicatione illa cum ulceribus intestinalium mors plerumque prius adducitur, quam natura sanationem in canali intestinali incipere potuit, fit, ut tam raro ulcera, quae cum aliis morbis, praecipue chronicis sese conjungunt, cicatricem ducant. Tileius (41. Nr. 56) saepius ulcera, et ipsa cum febri putrida complicata cicatrice obducta invenit; attamen homines illi paulo post per exinanitionem mortem obierunt, quia locis cicatrice tectis resorbendi facultas omni modo sublata erat, quare nutritio, ut censet, tantopere impeditebatur, ut mors intraret necesse esset. Cicatrices autem ipsae, ut mihi videtur, tum tantum mortis causa habendae sint, si maximus sit earum numerus;

quod vix unquam in cadaveribus sectis reperiatur, quum tanta suppurationis extensione mortem exinanitione potius produci, quam omnino illa ulcera ad cicatrisationem venire, multo veresimilius sit. Etiamsi, quin cicatrice obduci possint ulcera, jam plurimi medici non amplius dubitent, opiniones tamen de ratione, qua illud fiat, magnopere inter se differunt. Alii medici haec ulcera tantum lymphae plasticae exsudatione, alii modo granulatione sanari contendunt; tercia denique opinio est, majora ulcera sola granulationis formatione, minora etiam lympha quadam plastica consanescere (41. Nr. 56).

In ulceribus ad cicatrisationem vergentibus fundum, margines et partes adjacentes ultra lineam unam, strato tenui massae e subcano albidae, mucosae obtecta invenimus; margines ante callosi nunc paulo planiores mollioresque sunt. Fundus ulcerum, remoto strato illo tenui mucoso, a reliquis partium jam destructarum liberatus, aequaliter ruber, granulosus et paululum asper appetet. Signa haec ad granulationem jam excultam spectant, quae clara luce, ut Froriep affert (26. Tafel VII), per lentem optimam in intestino dissecto melius observari potest, formans lineas prominentes, quae mox fractae directionem fibrarum muscularium sequuntur, mox e centro ad ulcerum peripheriam radiorum instar decurrent. Progrediente sanationis processu, ulcera membrana subrnbra obteguntur, adhuc tenuissima tenerrimaque, quae a marginibus partem centralem versus firmitate crassitudineque crescit. Serius autem illa e cinereo albicans et ceteris tunicae mucosae partibus

densior solidiorque fit, a quibus etiam inopia villorum glandularumque intestinalium differt. Pars cicatrice jam obducta paululum depressa apparet, marginibusque haud multum prominentibus circumdatur, et, a latere considerata, splendore ac levore majoribus excellit (10. Bd. I p. 66, 1829; 36. p. 365; 37. p. 167; 41. Nr. 56).

Intranter ulcerum intestinalium cicatrizationem partim e dolore abdominis decrescente, partim e crebrarum alvi depositionum diminutione earumque ad mixtionem normalem regresu conjicere possimus. Conjectura nostra autem tum demum certior fit, si status universalis ae-groti melior apparet, appetitus denuo excitatur, viresque sensim increscunt. Virium autem profligatio plerumque diu remanet, quo fit, ut ae-grotus nonnullis mensibus peractis demum omnino sanatus haberi possit. Sed etiam postea tantummodo valde temperata et cauta vivendi ratio contra hunc facillime residentem morbum eum tuetur. Sin vero neque ars nec natura prosperum hunc producere valent exitum, tum serius ocius mors intret necesse est, ob causas nunc afferendas:

1) Ob nimiam virium exhaustionem. Qui exitus eo magis timendus est, quo major ulcerum est propagatio, et quo superiorem in tractu intestinalorum sedem habent. In casu priore enim magna humorum copia crebris largissimisque alvi depositionibus detrahitur, in altero autem nutritio magis turbatur, quum, antequam aliquae partes nutrientes ex iis recipi possint, cibi fere omniuo indigesti evacuentur. Si debilitas totius

corporis magnum assecuta est gradum, alvi dejectiones crebriores nec raro involuntariae fiunt, pulsusque arteriarum parvus ac filiformis, ita ut vix percipiatur, extremitates frigescunt, aegerque vel placide vel in delirio obit mortem.

2) Ob ileum ortum. Hoc mortis genus intestinorum ulceribus, rarissime autem, proprium esse videtur, et per alvum contractione spastica partis intestini affectae pertinaciter retentam adduci potest. Saepe etiam alvi retentiones tam perniciosae e causis mere mechanicis i. e. ex incrassatione tunicarum intestini affecti vel ulcerum excrescentiis, quales haud raro in ulceribus carcinomatosis inveniuntur, repetendae sunt. Exitus hic in universum in ulceribus, quae intestinum crassum occupant, saepius deprehenditur, quia partes in intestinis contentae hic dures sunt, ideoque facilius contractionem spasticam in loco affecto excitant; dum, si superiore in canalis alimentarii parte locum habent, satis fluidae sunt et liberius transire possunt. Praeterea etiam ulcera cum tunicarum incrassatione conjuncta, qualia saepe pro ilei causa habenda sunt, multo saepius in inferiore, quam in superiore intestinalium parte inveniuntur. Signa, quibus ileus jam intraus cognosci potest, imprimis haec sunt: Primo obstructio alvi quam pertinacissima in conspectum venit, quae cum nimia abdominis extensione, partim orta e massae faecalis accumulatione, partim e formatione variorum gasorum in tractu intestinalium, conjuncta appetit. Mox magna inquiete aegrotus vexatur, vomitusque continui intrant, quibus initio in ventriculo tantum contentae, postea faecales quo-

que massae ejiciuntur. Denique etiam spasmatica aggrediuntur symptomata, et status hic valde miser paucis tantum interpositis diebus plerumque morte finitur.

3) Ob peritonitidem exortam. Malum hoc dupli modo gigni potest, vel majore inflammationis propagatione a parte primario affecta, vel, quod saepius fieri solet, perforatione intestini suppuratione laborantis, effusioneque materiae faecalis illo contentae in cavitatem abdominis, quo facto totius fere peritonaei inflammatio quam vehementissima statim excitetur necesse est. Priore in casu inflammatio rarius ad illum adscendit gradum, quae mortem adducat, quod tum tantum fieri solet, si aut remedia excitantia ad ulcera sananda praemature adhibita fuerunt, aut aliae ejusmodi potentiae nocentes in aegrum egerunt. Peritonitis ex hac causa orta, dolore plerumque admodum vivido, initio autem magis fixo ac postea demum per totum abdomen diffuso cognoscitur, qui mox vehementissimus fit, et tantum adipisci potest gradum, ut jam attactus abdominis vel levissimus magnas aegroto afferat molestias. Simul cum dolore pulsus sit febrilis, singultus intrat, spasmi vomitusque observantur, et nisi inflammatio methodo antiphlogistica mature coercetur, aeger mortem obire potest. Multo saepius autem, quod jam supra dictum est, peritonitis perforatione intestini producitur, id quod saepius in ulceribus, quae intestinum tenueratque imprimis ultimam tertiam ilei partem occupant, animadvertisit, et, ut Albers se observasse contendit, multo crebrius e singulis tantum ulceribus, quam e lon-

ge propagata suppuratione originem dicit (35. p. 155).

Perforatio his plerumque satis certis cognoscitur signis: Subito loco perforato dolores vehementissimi percipiuntur, qui statim per totum abdomen propagantur, quod plerumque adeo sensibile redditur, ut ejus tactus vel lenissimus, immo jam straguli pondus aegroto fiant intolerabilia. Simul abdomen manibus attrectatum multo plenius invenitur, facies valde est collapsa, pallidissimaque et frons plerumque sudore frigido obiecta. Praeter symptomata jam allata semper fere horripilationem queritur aegrotus, et vomititionibus vel ipso vomitu vexatur. Pulsus arteriarum etiam, perforatione orta, plerisque in casibus mutatus est, multo frequentior, quam antea, ac valde compressus, et febrem majorem adeptam esse gradum plerumque facile perspicitur. Dolores vehementiam suam interdum servant usque ad mortem, quae secundum observationes Louis post viginti usque ad quinquaginta quatuor (21. p. 453) aut, nt Andral afferit, iam post duodecim vel viginti horas (37. p. 298) intrat. In aliis vero casibus iisque crebrioribus mox leviores fiunt, nec raro adeo mitigantur, ut aegrotus sine cura conditionem suam inspiciat, et medicus, signis ceteris haud bene perpensis, ad prognosin nimis prosperam instituendam proclivior reddatur. Louis unum tantummodo observavit morbi casum, qui aegrum haud prius quam septimo die post perforationem ortam vita privabat (14. p. 169 sq.). Mihi semel tantum occasio praebebatur ulceraria intestinalia observandi, quae perforatione inte-

etui finiebantur. Circiter biennium ab eo tempore jam praeteriit, quo duce prof. Sahmeu, praceptor meo aestimatisimo, feminam quan-dam tractabam, quae jam per hebdomades du-as, antequam in nosocomium nostrum academi-cum ducebatur, dothienteritide graviter labora-verat. Quamquam crebrae alvi depositiones jam ab initio morbi adsuerant, ciborum appetentia viresque satis bene conservatae erant. Nihilo minus omnia remedia ad diarrhoeam mitigan-dam in auxilium vocata nullum ostenderunt ef-fectum, et aegrota jam duodecim per dies sine ullo levamine in nosocomio tractata repente tan-dem ex perforatione ilei, triginta circiter horis interpositis, supremum diem obiit.

Signa autem perforationis non quoque in casu, ut supra descripta sunt, tam perspicua in-veniuntur. Dolores enim, quamquam perforatio exorta est, saepius omnino desiderantur, aut in minimum tantum abeunt irritationis gradum, qui pressu profundiore solo cognoscitur, si sensibili-tas universalis valde hebetata est, aegerque so-pore affectus vel in delirio sui haud conscius est (35. p. 380 et 397; 14. p. 167). Ita Pommer quoque loco, quo de ulceribus intestinalium in typho saepissime apparentibus loquitur, dolores e. perforatione eo occultiores esse affert, quo vehementius intensiusque sit pathema febrile (22. p. 15). Etiam aucta abdominis extensio, quae semper transgressum partium intestinalis con-tentarum in abdominis cavum sequatur necesse est, difficilis erit cognitu, si jam prius expansio abdominis quaedam ex accumulatione sive fluidorum sive gasorum exorta erat. His in oc-

cultis casibus repens faciei mutatio, simul cum
celerimē crescente virium profigatione, et fre-
quentia pulsuum, praeterea horripilatio, quam
aege raepe queritur, et continuae vomituritio-
nes aut ipse vomitus, unica sunt pathognomo-
nica perforationis signa. Suspicionem nostram
certe declarare tum praesertim nobis licet, si
symptomata modo allata, subito, nullo momento
noxio antegresso, intrabant. Nec tamen semper
perforatione mors tam cito, ut supra monitum,
oritur. Si e. g. intestinum rectum ea parte per-
foratur, quae peritonaeo non obtegitur, perito-
nitis illa periculosisima non adducitur, quia
faeces in cavitatem abdominis transire non pos-
sunt, sed in telam cellulosam circa intestinum
rectum jacentem intrant, quo facto, varia fistu-
larum ani genera oriuntur. Sed in superiori-
bus quoque intestinalorum partibus natura ipsa
hoc modo prohibet, quo minus peritonitis magis
extensa producatur: Affectae partis superficies
externa jam ante perforationem lympha plastica,
ibi secreta, cum organo quodam vicino conglu-
tinatur seriusque omnino concrescit. Mesente-
rium, vel aliae intestinalorum curvatura, vel
etiam organa structura solidiore praedita, uti he-
par,lien vel renes, praecipue ad eas numeran-
da sunt partes, quibuscum intestinum suppura-
tione affectum concrescere possit, ut experientia
docet. Intestino serius perforato, massae faecu-
lentiae in cavitatem abdominis haud transmittun-
tur, cum foramen sit clausum organo illo at-
fixo, tamquam pariete artificiali, quem plerumque
inflammatio ac suppurationis mox delent, fistulas
que producunt organa hanc raro vel diversi-

ma conjungentes. Si porro intestinum ulceratione laborans abdominis parieti appropinquat, ac cum eo concrescit, fistula stercorea, perforatione exorta, gigni potest, id quod praecipue in regione umbilicali vel iliaca accidit. Denique etiam, si perforatio inter utramque ipsam mesenterii laminam locum habeat, effusionem partium intestinis contentarum in abdominis canum oriri posse, Andral negat (7. p. 381). Hunc autem, si unquam occurrat, casum rarissimum esse, censeo, quum ulcera hic multo rarius quam in pariete, qui mesenterio oppositus est, observentur. Tentio etiam distentioque, e motu peristaltico ortae, in libero intestini pariete sane multo majores sunt, quam in opposito cum mesenterio cohaerente, quae res ad perforationem producendam haud parvi momenti mihi esse videtur. Omnes hi perforationis exitus modo allati, etiamsi ad vitam aliquamdiu servandam conferant, brevi tamen molestias producent varias magnasque, et vires aegroti pro diversis, quibus oriebantur, conditionibus serius oculis omnino exhaustient.

4) Mors ex hydrope orta. Haec mortis ratio rarissime observata est, nam experientia panca eaque in carcinomatosis tantum fere ulceribus occurrentia attulit exempla, ubi hydrops adeo excutus erat, qui causa mortis sufficiens aestimari posset. Aut apoplexia abdominali subito, aut sub colliquationis et paralyseos symptomatis ex hydrope ortis sensim extinguitur aegrotus; petechiae interdum supremo tempore erumpunt.

III. Aetiologya.

A. Causae praedisponentes.

Quamvis certa ad hunc morbum praedispensatio quoque in casu haudquaquam demonstrari possit, quum nec aetati neque sexui ulli omnino parcat, hominesque robustos pariter ac debiles corripiat; probabile tamen esse videtur, peculiarem illam corporis indolem, quae omnium inflammationum proclivitate ad transeundum in suppurationem cognoscatur, ortui etiam ulcerum, quae in intestinis locum habent, maxime favere. Etiamsi nonnulla sint exempla, ubi ulcera intestinalia e causis mere topicas ortum duxisse videantur; tamen suppuration, priusquam universalis quidam morbus inde evolutus est, latius progredi et per majorem intestinorum partem extendi nequit. Inde igitur patet, ulcerationes valde propagatas, quasi eruptiones topicas universalis cujusdam mali semper aestimandas esse.

Sedes autem illarum partim e causis, quae in aegroto ipso insunt, partim e momentis noxiis externis pendet, primumque ulcerum secretum, quasi chemice in partes vicinas agere et hac ratione malum tam cito propagare videtur.

Si ad frequentiam ulcerum intestinalium, qualis ex observationibus medicorum maxime peritorum nobis cognita est, respicimus, homines usque ad quadragesimum quintum aetatis annum praecipue hoc morbo corripi, eoque tempore superato, suppurationem in intestinis multo rariorem esse, invenimus. Excipienda autem saepius sunt ulcera carcinomatosa, quippe quae seniori magis aetati propria esse videantur. Pri-

mis vitae periodis imprimis sexum faemineum, senioribus autem virilem ad ulceræ intestinalia procliviorem esse, Albers experientia sua edoc-tus affert (31. p. 110). Hoc inde declarandum esse putat, quod in juventute sexus faemineus ob longe laxiorem corporis structuram saepè scrophulis laboret, quae, ut postea exponemus, ad hunc morbum procreandum maximi momenti esse videntur. Causa, quæ intestinalorum ulcerationes multo saepius in juventute, quam senioribus vitae periodis deprehendantur, in eo est quaerenda, quod in illa praecipue glandularum intestinalium degenerationes occurunt, quo fit, ut vel exiguae potentiae nocentes ad inflammationem suppurationemque excitandas in partibus hoc modo affectis sufficient. Nec minus autem magna canalis intestinalis ad affectiones inflammatorias proclivitas respicienda est, quae praecipue in juvenili aetate sese ostendit. In hac enim corpus maximas subit metamorphoses, ac demum sub finem hujus aetatis perfectum adipiscitur efformationis gradum. Propterea etiam major substantiarum copia corpori ingeritur, vivacioresque organorum digestionis actiones ex-citentur necesse est, quum haec imprimis ceteris corporis partibus, qua alantur atque increcant, materiam praeparare et afferre debeant. Una cum hac actione organorum, quae digestioni serviunt, alaciore, major humorum affluxus, quod jam per se elucet, conjunctus sit oportet, qui affectionibus inflammatoriis gignendis maxi-mē favet. Nec etiam praetermittendum est, homines illa aetate nimio vel caloris vel frigoris gradui, aliquaque noxiis compluribus saepe in-

caute se exponere. qua re digestionis organorum functiones perturbentur, ibique degenerationibus variis hac ex causa ortis, primum, ut ita dicam, ulcerum germen seratur. Porro etiam ad ulcera intestinalia gignenda nonnulli et acuti et chronici morbi multum valent, quorum plerique, ut serius videbimus, juvenili praesertim aetati proprii sunt. Omnibus modo allatis bene persensis, nihil est, quod miremur, hunc morbum saepissime prima mediaque vitae periodo occurrere.

B. Causae occasioales.

Ulcera semper, ut mihi videtur, morbus secundarius aetimanda sunt, quum evolutionem eorum quoque in casu inflammatio majoris vel minoris gradus antecedat necesse est. Eam igitur optimo jure unicam causam occasionalem ac directe agentem, cui ulcera ortum suum debeant, nominare possumus. Haec inflammatio, quam ulcera intestinalia sequuntur, aut enteritis simplex esse, aut ad alios jam antecedentes morbos accedere potest. Priore in casu ulcera longe rarius animadvertuntur. et hic etiam ex universali quadam, quamvis saepe occultissima, plerumque pendent praedispositione.

Enteritidis chronicæ in suppurationem transitus non statim, immo haud prius fortasse cognosci potest, quam plura jam apparuerint phænomena, qualia ad intestinorum ulcera spectantia, jam in symptomatologia generali perscrutatus sumus.

In plurimis autem casibus diagnosis facilior erit, si enteritis acuta in suppurationem abit,

signaque, quibus id cognosci possit, haec fere sunt: Dolores antea plerumque satis alacres, leniores fiunt; phaenomena critica etiam interdum sese manifestant, attamen nunquam perfecte salubrem prae se ferunt effectum; nam febris, licet haud raro satis perspicue remittat, nunquam omnino evanescit, sed brevi hecticam induit naturam. Praeterea alvi depositiones multo fusiores fiunt, viresque citius ac majore gradu, quam antea decrescunt. — Sed suspicio nostra tum demum certior redditur, si morbus longe diutius jam perduravit, quam inflammatio acuta solet.

Albers contendit, ulcerationem e tunicae mucosae inflammatione semel tantummodo intrante ortum sumere haud posse. Semper enim, ut censet, exsudatio lymphatica vel in tunicam mucosam ipsam vel, in telam cellulosa sub illa jacentem, et hoc modo induratio inflammationem sequuntur, ac demum processus quidam inflammatoryis hac in parte denuo excitatus in suppurationem transire potest (35. p. 56 et 222). Opinionem hanc eo confirmari putat, quod margines ulcerum ac partes circa ea jacentes semper induratas invenerit. Nec vero argumentum hoc sufficere mihi videatur, cum induratio, quallem Albers attulit, etiam serius, ulceribus jam efformatis, exorta esse, atque inflammatio reiterata non quoque in casu demonstrari possit. Si evolutionem ulcerum, quae in partibus externis sedem habent, ubi morbi processum multo accuratius observare licet, inspiciamus, haud in omnibus, immo longe rareribus fortasse casibus animadvertisimus, indurationem semper inflamma-

tionem sequi, priusquam haec in exulcerationem transgrediatur. Quid est, quod una eademque res in tractu intestinali plane aliter appareat? Tum opinionem hanc id praesertim refellit, quod partes ulceribus adjacentes non assidue induratae animadvertisuntur, sed e contrario in ulceribus ex inflammatione acuta ortis, si haud diu perduraverant, nulla observatur induratio, ut Gendrin (28. Bd. I. p. 540), et alii affirmant.

Ulcera, quae enteritidem simplicem sequuntur, partim e tunica mucosa ipsa, partim e glandulis praecipue Peyerianis, originem ducunt. Prioribus haud certa, saepius omnino irregularis est forma, in latitudinem magis, quam in altitudinem sese evolvunt, et omnibus in tractus intestinali partibus, causis sufficientibus, occurtere possunt. Altera autem formam glandularum semper reservant, aliis procedunt, ac praecipue sub ilei finem, si e glandulis Peyerianis originem ceperunt, reperiuntur. Sin vero glandulis Brunnerianis ortum suum debent, in aliis quoque partibus singula quidem disparsaque deprehenduntur. Strictior ulcerum in variis evolutionis periodis descriptio mihi omittenda esse videtur, quum ab omnibus fere saepe jam memoratis auctoribus tam accurate ac perfecte sit exhibita, ut angustis dissertationis limitibus adhuc comprehendi non possit. Enteritide simplice excepta, multo crebrior ulcerationis causa, illa est inflamatio, quac cum aliis jam praesentibus morbis sese conjungit, quo fit, ut facilius in suppurationem transeat. Ad tales complicationes partim morbi acuti iisque febriles, partim chronicci pertinent.

a) Morbi acuti qui hic memorandi sunt;

1. Typhus intestinalis. Etiamsi in hac dissertatione, paucas tantum pagellas complectante, num hic malum universale e topico pendeat, an contrarium locum habeat, an denique morbus et universalis et localis, e tertia quadam causa originem trahat, strictiori subjicere non possim quaestioni; tamen me opinioni, cui Albers favet, potissimum assentire confitear necesse est. Utrumque morbum in ullo esse nexus causali negat, ac crebritatem ulcerum intestinalium eo explicare studet, quod haec febris nervosae species praesertim homines scrophulis affectos corripiat, quare symptoma ac morbi decursus quodam modo mutentur necesse sit. Omnia momenta, quae Albers ad sententiam suam probandam attulit, accuratius exponere supervacaneum esse mihi videtur, quum cuique illa in opere ejus — de intestinalorum ulceribus — multo perfectius explicata, quam ego possim, legere liceat.

Connexum inter malum universale et locale haud respicientes, in nullo fere morbo suppurationem in intestinis tam frequenter occurrere, quam in hoc, compertum habemus; quoniam autem morbi stadio illa, oriatur, medici interesse adhuc valde dissentunt. Sic Hewelt e. g. (15. p. 365) contendit, intumescentiam glandularum intestinalium jam primis diebus adesse, suppurationem autem post duas vel quatuor hebdomades apparere. Sunt autem medici, qui se ulcera etiam in ejusmodi casibus plane exulta interdum observasse, afferunt, qui jam quinto vel septimo die morte finiebantur. Tempus ig-

tur, quo ulcerum in tractu intestinalorum absor-
vitur formatio, iisdem semper limitibus circum-
scribi vix potest, cum partim e gradu processus
inflammatiorii, partim ac praecipue quidem, e
majore vel minore glandularum Peyerianarum
alienatione, quae jam ante febris invasionem ade-
rat, pendere videatur. Sed haec ipsa, qua na-
scuntur ulcera, mira celeritas, sententiae ab Al-
bers allatae magnopere favere videtur; nam si
affectio illa inflamatoria non incidisset in glan-
dulas jam degeneratas, adeo celeris ulcerum
evelutio mente vix fingi posset. Ulcera in hoc
morbo originem suam solummodo fere e glan-
dulis Peyerianis ducunt, quae intumescunt et
postea accidente suppuratione omnino delentur.
Hanc ob causam exulcerationes nominatae in
inferiore intestini tenuis parte offenduntur, et
potissimum quidem in ultima tertia ilei parte,
eoque magis sunt coacervatae, quo propiores a
coeco inveniuntur; nam raro tantum tales glan-
dulas Peyerianas in coeco detegere licet, longe
rarius in colo ascende, nec nunquam fere in
inferiore intestini crassi parte. Simil cum his
ulceribus glandulae Brunnerianae exulceratae
deprehenduntur, passim, nunquam autem con-
fertae, atque etiam in inferiore intestini crassi
parte occurunt.

2. Morbilli. In hoc quoque morbo haud
raro exulcerationes tractus intestinalorum obser-
vantur, quarum causa scrophulosa glandularum
intestinalium dispositio esse videtur, quum quoad
formam locumque cum ulceribus mere scrophu-
losis plane congruant. Huic origini aetas juve-

nitis magnopere favere videtur, quippe quae affectionibus scrophulosis praecipue obnoxia sit.

3. Variolae. In his etiam ulcera intestinalia eandem, quam in morbo modo memorato, originem saepe habent, nonnunquam vero ex alia quoque causa nasci videntur, uti ex impedita forsan processus morbosi evolutione in cute externa. Exinde praesertim patere mihi videtur, ea non semper e scrophulosa glandularum alienatione derivanda esse, quod plerumque solitaria et raro tantum conferta reperiuntur, neque, uti ulcera, quae e glandulis Peyerianis originem suam duxerunt, in certis solummodo intestinalorum partibus in conspectum veniunt (41. No. 56).

4. Dysenteria. Etiamsi nonnulli medici e. g. Stoll (ratio medendi. pars III.) exulcerationes in hoc morbo inveniri posse plane negent, tamen non licet arripere eandem sententiam, quum a multis aliis, nominatim a Morgagni (de sedibus et causis morborum. Epist. XXV), van Swieten (Comment. Tom III), Voigtel (2. p. 546) et plerisque recentioris temporis medicis contrarium extra omnem positum sit dubitationem. Longe alia hic, quam in ceteris supra memoratis morbis, ulcerum formationis causa adest, nam scrophulosa dispositio pro fonte praecipuo jam haberri nequit, cum exulcerationes in dysenteria has imprimis occupent intestinalorum regiones, i. e. intestinum rectum et colon descendens, quae scrophulosis affectionibus haud sint obnoxiae. Hic eorum evolutio potius ex inflammationis gradu et sine dubio etiam e certis quibusdam conditionibus epidemicis pendet; nam

Vogel exitum in ulcerationem modo in gravissimis epidemias, cui etiam Schoenlein assentit (39. Bd. I. p. 390), observari afferit.

b) Morbi chronicci.

1. Diarrhoea chronica. Haud adeo raro observari licet, diarrhoea per longius temporis spatium continuata, qualescunque fuerint causae, quae primam ansam ei dederint, exulcerationes tandem provocari. Quomodo ulcera ex hac causa proveniant, optime eo explicari potest, quod copiosiores alvi dejectiones majorem sanguinis affluxum intestina versus carent, continuus igitur ibi status irritationis sustinetur, qui variis momentis postea facile ad veram usque inflammationem accrescere potest. Porro etiam ad suscitandam inflammationem id mihi conferre videtur, quod frequentibus alvi exonerationibus mucus, praecipuus intestinorum a potentibus nimis irritantibus defensor, continuo ab ipsorum parietibus quasi abluitur, quo fit, ut superficies eorum interna faciliter noxiis irruentibus laedatur. Inflammationem tali modo provocatam magnopere ad ulcerationem tendere, non est, quod miremur, cum certe continua evacuationibus copiosis succorum corporis omnium alienatio exoriatur.

2. Haemorrhoides coecae. Hae nonnunquam post vitia diaetetica inflammatione corripiuntur, quae atrocissimis aegrotum vexat doloribus, et, nisi medicamentis aptis idoneaque diaeta mox coercetur, in suppurationem transire potest.

3. Syphilis. Haec quoque ulcerum intestinalium causa esse potest, et partim quidem immediata per paederastiam infectione aut syphi-

litici veneni effluxu e genitalibus ad anum producio, uti in mulieribus ob minorem perinaei latitudinem id saepius contingit; partim autem, quemadmodum in aliis partibus, ita quoque in intestinis secundaria ex universalis corporis infectione ulceræ oriuntur. Primaria, quod facile intelligitur, ulceræ in infima tantum intestini recti regione deprehenduntur; secundaria etiam in superiori parte et in ipso intestino tenui observata sunt; vid. Hopfengärtner (4. p. 17—30).

4. Scrophulae. Morbum modo allatum in variis morbis acutis haud parum ad ulcerum originem conferre, jam supra memoravimus; sed etiam, his morbis non accedentibus, exulcerationes in scrophulosis saepius detegi posse, experientia edocti scimus. Qua ratione tale quid fieri queat, theoretice quoque facile demonstrari potest. Per dyscrasiam scrophulosam in variis corporis regionibus glandularum intumescentiae nascuntur, quae semper pro localibus morbi universalis indiciis habenda sunt. Ita etiam ex eadam causa glandulae mesentericae simulque cum iis correspondentes glandulae Peyerianæ afficiuntur, ac præ ceteris quidem, cum in infantili aetate, ubi scrophulae maximum evolutionis gradum præ se ferant, vivacissimam evolvent actionem, et hanc qb causam variis turbationibus ac degenerationibus magis obnoxiae sint. — Similatque tales jam aduent in tractu intestinalium alienationes, facile affectarum partium inflammationes oboriri possunt, cum tunica mucosa aucta receptivitate praedita omnia irri-

tafmenta gravius ferat, immo solitis jam stimulis ad nimiam impellatur actionem. Nec est, quod miremur, inflammationem hac ratione ortam magnopere ad suppurationem tendere; nam saepe videmus, in hominibus hac dyscrasia affectis, levissimas superficie exterae laesiones raro tantum per primam intentionem sanescere, sed plerumque in supparationem transire. Haud exigua inde etiam peti potest hujus probatio, quod scrophulosi variis impetiginum generibus saepissime corripiuntur, quae omnia fere ad pustulas sunt referenda.

5. Tubercula. Num hic morbus re vera arcto cum scrophulis affinitatis vinculo coniunctus sit, ita ut ambo pro iisdem sere malis haberí queant, uti Meckel (16. p. 369), Lobstein (42. p. 355) aliquae plures asserunt, hoc loco fusius non disquiramus; sed id saltem certissimum est, tuberculis exulcerationes in tractu intestinorum fere aequa saepe provocari ac scrophulis; nam raro tantum, si quis exquisita phthisi tuberculosa pulmonum oppressus diem obiit supremum, in secio cadavere, ulcera aut saltem tubercula, eorum causae, in tractu alimentario detecta non sunt. Plerumque pulmones prius, ac tum intestina corripiuntur, raro tantum contrarium locum habet, nec unquam fere mors supervenit pulmonibus nondum simul affectis. Tubercula praesertim in ileo ac potissimum quidem sub fine ejus offenduntur; sati frequentiter in coeco etiam apparent, multo rarius autem in superiore coli parte, nec unquam fere in infima intestini crassi regione.

Primo autem in coeco ut Schoenlein (29. Bd. III. p. 103) conteudit, ea oriri vix crediderim, cum maximus ulcerum e tuberculis ortum, ducentium numerus a ceteris medicis sub intestini tenuis finem observatus sit; immo Andral (7. p. 388) rariissime in coeco ea invenit, quod, etiam si cum observationibus medicorum ceterorum non plane congruat, sine dubio tamen sententiam a Schoenlein propositam refellit. In ulcera transiisse tubercula interdum jam e faecum adspicere cum certitudine quadam suspicari potest, nam tum passim obveniunt in excrementis friabiles flocculi, aut granula casei frustulis similia (10. p. 91. 1829). Si, quod plerumque fit, ulcera tuberculosa in intestinis ad priorem pulmonum affectionem accedunt, hujus symptomata ad breve temporis spatium minus conspicua fiunt, mox autem pristinam nanciscuntur vehementiam, et duplii tum morbo vires aegroti consumuntur, miseraeque huic vitae brevi mors finem imponit.

5. Scirrhus intestinalorum. Degeneratio haec, quae plerumque etiam e dyscrasia quadam universalis pendere videtur, non raro tractum intestinalis invadit, etiamsi alia organa saepius afficiantur. Raro in aetatis flore observatur, nam per pauci resperiuntur casus, ubi hoc malum ante trigesimum annum jam aderat. Quamquam in omni tractus intestinalis parte existere potest, tamen memoratu dignum est, certas quasdam praeceteris affici regiones, quae sunt: intestinum rectum et sigma coli (2. p. 552; 16. p. 360). Ulcera e locis ejusmodi alienatis oriunda, sunt

periculosisissima; nam cicatrisatio ipsorum, nunquam, quod sciam, est observata, atque, etiamsi ob sedem, quam obtinent in infima intestinorum parte, non adeo cito summa virium consumtio existat, saepe tamen ileo accedente exitiosa sunt.

Libri ad conscribendam hanc dissertationem usitati.

1. Roederi et Wagleri Tractatus de morbo mucoso. Goettingae 1783.
2. Voigtel Handbuch der pathologischen Anatomie. Bd. I. Stuttgart 1804.
3. Vogel Handbuch der praktischen Arzneiwissenschaft. Theil VI. Stendal 1816.
4. Hopfengärtner Pathologisch-anatomische Beobachtungen zur Aufhellung organischer Krankheiten. — Hufeland's Journal der pr. Heilk. Bd. 49. St. 4. 1819.
5. Abercrombie Untersuchungen über die Krankheiten des Darmkanals; aus dem Englischen von Heinrich Wolf. Bonn 1822.
6. Gedike Ueber die aus innern Ursachen entstandene Durchlöcherung des dünnen Darms. Horn's Archiv für medicinische Erfahrung. Bd. I. 1823.

7. Andral Untersuchungen über die pathologische Anatomie des Verdauungskanals. Aus dem Französischen von Dr. Krause. Horn's Archiv für medicinische Erfahrung. Bd. I. 1823.
8. Neumann Funzig Krankheitsgeschichten und Sektionsgeschichten von Wahnsinnigen. Hufeland's Journal der pr. Heilk. Bd. 59. 1824.
9. Pommer Zur Pathologie des Verdauungskanals. Heidelb. klin. Annalen. Bd. II. Heft I. 1826.
10. Wagener Einige Formen von Darmgeschwüren pathologisch-anatomisch betrachtet. Med. Jahrbücher des k. k. österreichischen Staates, neue Folge Bd. III. Stück 4. 1826; neueste Folge Bd. I. Stück 1. 1829 und Stück 3. 1830; das Ende in medic-chirurg. Zeitung Bd. III. 1832.
11. Louis Anatomisch-pathologische Untersuchungen über die Lungenschwindsucht. Aus dem Französischen von Carl Wiese. Leipzig 1827.
12. Puchelt Das epidemische Fieber, welches in Heidelberg besonders im Sommer 1826 herrschte. Heidelb. klin. Annalen Bd. III. Heft II. 1827.
13. Huten Von dem anatomischen Charakter der Entzündung der Schleimhaut des Darmkanals. Froriep's Notizen Bd. XII. 1827.
14. Louis Anatomisch-pathologische Untersuchungen; aus dem Französischen von Gustav Bünger. Berlin 1827.
15. Hewett Krankheitsfälle, mitgetheilt aus

- öffentlichen Anstalten. Medic.-chir. Zeitung Bd. II. 1827.
16. Meckel Handbuch der pathologischen Anatomie Bd. II. Abtheilung II. Leipzig 1828.
17. Neumann Ueber Darmgeschwüre in typhösen Fiebern. Hufeland's Journal d. pr. Heilk. Bd. 64. 1827.
18. Wittmann Ein Wort über gastrisch-nervöse Fieber, über dessen Behandlung und Vorbeugung. Med.-chir. Zeitung. Bd. I. 1828.
19. Baumgärtner: Ueber die Broussaisschen Entzündungen und die Geschwüre im Darmkanal. Medic.-chir. Zeitung. Bd. I. 1828.
20. Hochstädter: Beobachtungen über den Charakter und die Eigenthümlichkeit des Nervenfiebers, welches im Herbste 1825 in Karlsruhe epidemisch herrschte. Medic.-chir. Zeitung. Bd. I. 1828.
21. Louis: Ueber die Durchlöcherung des Dünndarms in akuten Krankheiten. Medic.-chir. Zeitung. Bd. I. 1828.
22. Pommer: Kurze Uebersicht der im Jahr 1827 und im Winter 1827 und 1828 zu Heilbron herrschend gewesenen Krankheiten. Medic.-chir. Zeitung. Bd. II. 1828.
23. Baumgärtner: Ueber die Natur und die Behandlung der Fieber. Medic.-chir. Zeitung. Bd. IV. 1828.
24. Wasserfuhr: Ueber Darmgeschwüre in typhösen Fiebern. Journal der Chirurgie und Augenheilkunde von Graefe und Walther. Bd. XI. 1828.

25. **Broussais:** Vorlesungen über gastrische Entzündungen. Aus dem Französischen von Joh. Christ. Fleck. Rudolstadt 1829.
26. **Frotiep:** Klinische Kupferstafeln, 2te Lieferung, Tafel VII. Weimar 1829.
27. **Andral:** Précis d' Anatomie pathologique. Paris 1829.
28. **Gendrin:** Anatomische Beschreibung der Entzündung und ihrer Folgen in verschiedenen Geweben des menschlichen Körpers. Aus dem Französischen von Dr. Justus Radius. Bd. I und II. Leipzig 1829.
29. **Nisle:** Beiträge zur Diagnostik und Pathogenie der Darmgeschwüre. Horn's Archiv für medicinische Erfahrung. Bd. I. 1829.
30. **Abercrombie:** Pathologische und praktische Untersuchungen über die Krankheiten des Magens, des Darmkanals, der Leber und anderer Organe des Unterleibes. Aus dem Englischen von Gerhard von dem Busch. Bremen 1830.
31. **Lesser:** Entzündung und Verschwärung des Verdauungskanals. Berlin 1830.
32. **Bischoff:** Grundsätze zur Erkenntniss und Behandlung der Fieber und Entzündungen. Wien 1830.
33. **Perron:** Bemerkungen über die Entzündung der Brunnerschen und Peyerschen Drüsen. Medic. chir. Zeit. Bd. III. 1830.
34. **Ballington:** Ueber den Abdominal-Typhus. Heidelb. klin. Annalen Bd. VI. Heft II. 1830.
35. **Albers:** Die Darmgeschwüre. Leipzig 1831.

36. Pommer: Beiträge zur Natur- und Heilkunde. Bd. I. Heilbron 1831.
 37. Andral: Krankheiten des Unterleibes. Bd. I. Aus dem Französischen von Schuner. München 1832.
 38. Neumann: Specielle Pathologie und Therapie. Bd. I. Wien 1832.
 39. Schönlein's Vorlesungen, niedergeschrieben und herausgegeben von einem seiner Zuhörer. Bd. I. und III. Würzburg 1832.
 40. Albers: Beiträge zur Pathologie und Therapie der Darmgeschwüre. — Kleinert's Repertorium, Jahrgang VII. Heft V. u. VI. 1833.
 41. Tilesius: Ueber die Darmgeschwüre der Intestinaldrüsen. Allgemeine medic. Zeitung Nr. 55, 56 und 57. 1834.
 42. Lobstein: Lehrbuch der pathologischen Anatomie. Bd. I. Stuttgard 1834.
-